



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 12 март, № 50 (6485)

Шанба

Сайтимизга ўтиш учун QR-кодни телефонингиз орқали сканер қилинг.



Қорақалпоғистон Республикаси:

ЙИРИК ЛОЙИҲАЛАР, САЛМОҚЛИ НАТИЖАЛАР



Асрлар бўйи сокин уйкуда ётган Устюрт кенгликлариди ҳаёт қайнайди. Ажабо... Мўъжизанинг ўзгиниси! Қаранг, бир пайтлар қуш учса қаноти, одам юрса оёғи қуядиган сахро бағрида йиғирма беш йил ичида шунча янгилаш, шунча ўзгаришлар... Бепоеён кенгликлар боғу роғларга бурканиб, шаҳару овуллар обод ва кўркам қиёфа касб этмоқда. Бу ерда барпо қилинаётган йирик саноат мажмуалари нафақат Оролбўйи худуди, балки бутун мамлакатимиз равақидида муҳим ўрин тутаётгани қувонарлидир.

МУСТАҚИЛЛИК ИНШОТЛАРИ

“Кўнғирот сода заводи” унитар корхонаси ана шундай гигант ишлаб чиқариш мажмуаларидан биридир. Айни пайтда бу ерда тайёрланётган ноёб хом ашё — кальцийлаштирилган сода бир қатор давлатларга экспорт қилинаётган. Эътиборли жиҳати, айни кунларда мажмуанинг йиллик ишлаб чиқариш ҳажмини 100 минг тоннадан 200 минг тоннага кўпайтириш чоралари кўриляпти. Бу эса яқин истиқболда 276 кишининг бандлигини таъминлаш имконияти тугилади, дегани. Шу

мақсадда Президентимиз қарори асосида корхона қошида Тошкент кимё-технология институтининг махсус сиртки бўлими ташкил этилиб, унда йилга 65 нафар бакалавр, 15 нафар магистр тайёрлаш йўлга қўйилгани Кўнғирот сода заводи малакали кадрлар билан таъминлашга хизмат қилиши, шубҳасиз. Ана шундай муҳим объектлар хусусида сўз юритганда, Жанубий корейлик инвесторлар ва мутахассислар билан ҳамкорликда Сурғил қони негизда барпо



этилган Устюрт газ-кимё мажмуасини ҳам алоҳида тилга олиш жоиз. Умумий қиймати 4 миллиард АҚШ долларидан ошадиган ушбу иншоот юқори технологияларга эга дунёдаги йирик замонавий корхоналардан бири, десак, мулоҳаза бўлмайди. У ишга туширилиши билан йилга 83 минг тонна ноёб полипропилен тайёрлашга киришляди. Ваҳолонки, бу турдаги маҳсулот илгари республикамизга четдан, валюта ҳисобига олиб келинганини эътиборга олсак, Оролбўйи-

даги мазкур истиқболли лойиҳанинг нечоғли катта аҳамият касб этиши ойдинлашади. Қолаверса, мажмуада ҳар йили тайёрланадиган 3,7 миллиард кубометр табиий газ, 387 минг тонна полиэтилен, 102 минг тонна пиролиз бензин ҳамда бошқа ноёб ашёлар мамлакатимиз иқтисодий салоҳиятини янада юксалтиришга муносиб ҳисса бўлиб қўшиляди. Бинобарин, корхона тўла қувватга эришгач, 1 минг 400 киши доимий иш жойи билан таъминланади. Бундан тўрт йил муқаддам

Буюк Британиянинг консалтинг компанияси томонидан эълон қилинган рейтингда Устюрт газ-кимё мажмуаси дунёнинг ўн та глобал инвестициявий лойиҳалари қаторидан жой олгани ҳам бежиз эмас. Президентимиз ташаббуси билан тамал тоши қўйилган объектдан ҳозир қунига 1100 тонна полипропилен, 250 тонна полиэтилен, шунингдек, синтетик ёқилги буюртмачиларга етказиб берилмоқда.

(Давоми 4-бетда).



МУНОСАБАТ

Аёлни улуғлаш, унга келажақ авлод тарбиячиси сифатида эҳтиром кўрсатишдек азалий қадриятларимиз истиқлол шарофати билан янгича маъно-мазмун касб этиб бораёпти. Хотин-қизларнинг ижтимоий фаоллиги, ҳуқуқий маданиятини юксалтириш, интеллектуал салоҳияти, ишбилармонлик фазилатларини рўйбга чиқариш каби устувор йўналишлардаги саъй-ҳаракатлар қамрови тобора кенгаймоқда.

Қонун ижодкорлиги жараёнининг фаол иштирокчиси

Натижада улар оилада ҳам, давлат ва жамият ҳаётида ҳам ўз макеига эга бўлаётган. Бинобарин, Президентимизнинг Ўзбекистон хотин-қизларига йўлаган байрам табригида хотин-қизларимизнинг нафақат кундалик турмушда, балки давлат миқёсидаги энг муҳим масалаларни ҳал қилишда ўрни ва роли тобора ортиб бораётгани алоҳида қайд этилди.

Ҳақиқатан ҳам, бугунги кунда аёлларимизнинг сиёсий-ҳуқуқий фаоллиги сезиларли даражада ошган. 2004 йилда парламентимиз томонидан “Ўзбекистон Республикаси Олий Мажлисига сайлов тўғрисида”ги Қонунга ўзгаришлар киритилиб, сиёсий партиялардан кўрсатилаётган жами номзодларнинг камида 30 фоизини хотин-қизлар ташкил этиши лозимлиги белгилаб қўйилгани қонун ижодкорлиги соҳасида аёлларнинг муносиб иштирокини таъминлашда айни мудоа бўлди.

(Давоми 2-бетда).

«Ўзбекистон ўз олдига қўйган барча стратегик вазифаларни изчиллик билан амалга оширмоқда»

Ўзбекистон Республикаси Президенти Ислам Каримовнинг мамлакатимизни 2015 йилда ижтимоий-иқтисодий ривожлантириш якунлари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисидаги маърузаси Буюк Британия экспертлар ҳамжамиятида ҳам катта қизиқиш уйғотди. Мазкур маъруза юзасидан, жумладан, “Британия — Ўзбекистон жамияти” раиси Хартли БУТ куйидаги фикр-мулоҳазаларни билдирди:

ЭЪТИРОФ

— Ўзбекистон билан ўрнатилган яқин ҳамкорлик туфайли кўп йиллардан буён юртингиз тараққиётдан хабардор бўлиб келяпман. Эътиборлиси шундаки, кейинги йилларда

жаҳонда мураккаб геосиёсий ва иқтисодий жараён кузатилаётган бўлсада, Ўзбекистон рақобатдош ҳамда диверсификациялашган иқтисодиётга асосланган замонавий

демократик давлатни барпо этиш йўлидан оғшмай олдига қараб дадил ҳаракатланмоқда.

Дунёда ўз олдига шундай мақсадни қўйган мамлакатлар кўп. Аммо Ўзбе-

кистоннинг ўзига хослиги шундаки, сўнгги пайтларда ижтимоий-иқтисодий ривожланишда салмоқли муваффақиятлар қўлга киритилиши баробарида, бу йўналишдаги жараён изчил давом эттириляпти. Шундан келиб чиқиб айтиш мумкин, кейинги ўн бир йил давомида юртингизда иқтисодий ўсишнинг барқарор суръатлари сақланиб келинаётгани 2030 йилга бориб, яқин ички маҳсулот ҳажмини камида 2 баробар ошириш имконини беради.

(Давоми 2-бетда).

Қишлоқ хўжалигидаги янгилашлар

ҳаётимиз фаровонлиги ва дастурхонимиз файзу баракасини таъминламоқда

Мамлакатимиз иқтисодиётининг барча тармоғи каби аграр секторда ҳам Президентимиз томонидан кенг қўллами, ҳар томонлама пухта ўйланган ислохотларнинг амалга оширилиши натижасида соҳада барқарор ўсиш суръатлари таъминланмоқда.

ТАҲЛИЛ

Кейинги йилларда қишлоқ хўжалиги маҳсулотлари етиштириш ҳажмининг ўсиши ўртача 6-7 фоизни ташкил қилаётганлиги, республика аҳолиси сонининг мутасил ортиб боришига қарамай, аҳоли жон бошига ишлаб чиқарилаётган озиқ-овқат товарлари ҳажмининг бир неча баробаргача кўпайганлиги соҳада ислохотлар стратегияси нақадар тўғри танланганлигидан далолат беради.

Амалга оширилаётган ислохотлар, яратилган қулай шарт-шароит, қолаверса, деҳқон фермерларимизнинг фидокорона меҳнати туфайли 2015 йилда ҳам соҳада улкан ютуқларга эришилди. Утган йили эл-юрт хирмонига 7 миллион 500 минг тоннадан зиёд дон, 3 миллион 350 минг тоннадан кўпроқ пахта хом ашёси етказиб берилди, мева-сабзавотчилик, полизчилик, чорвачилик, пиллачилик ва бошқа тармоқлар бўйича ҳам

юқори натижалар кузатилди.

Бу муваффақиятлар осонгина қўлга киритилгани йўқ, албатта. Деҳқон ва фермерларимиз қишлоқ изгирини-ю, баҳор инжиқликлари, ёзининг ислоҳ этиши мотанат билан енгиб, қуну тун астойдил меҳнат қилдилар. Қолаверса, илғор хорижий давлатлар тажрибасини чуқур ўрганган ҳолда, соҳани ислоҳ этиш бўйича ўта муҳим чора-тадбирларнинг амалга оширилаётгани, қишлоқда бозор муносабатлари жорий қилиниб, фермерлик ҳаракатини қўллаб-қувватлаш учун ҳуқуқий, техникавий ҳамда молиявий шарт-шароитлар тўлиқ яратиб берилганлиги соҳада эришилаётган ютуқларнинг муҳим омили бўляпти.

Ютуқларнинг мустаҳкам пойдевори

Қаерда эркин ишлаб, меҳнати натижасидан баҳраманд бўлиш учун қулай муҳит яратилса, ўша жойда тараққиёт, фаровонлик кузатилиши турган гап. Қувонарлиси шундаки, бугунги кунда юртимиз деҳқону фермерлари ана шундай шарт-шароитларга эга. Жумладан, экин-тикин учун уруғлик, минерал ўғит ва бошқа зарурий ресурслар бевосита фермернинг даласи бошигача етказиб берилиб, барча турдаги хизматлар кўрсатиляпти. Шу билан бирга, улар молиявий жиҳатдан қўллаб-қувватланмоқда.

Умун олганда, қишлоқ хўжалиги экинларидан мўл ва сифатли ҳосил етиштирилишида соҳада ишлаб чиқаришни жадаллаштириш, селекция ва уруғчилик ишларини яхшилаш, ғўза, бошоқли дон ва бошқа экинларнинг янги серхосил навларини районлаштириш, замонавий тежамкор агротехнологияларни амалиётга кенг татбиқ этиш бўйича кўриляётган чора-тадбирлар муҳим омили бўлиб хизмат қилаётган. Қолаверса, бу каби юксак натижалар Президентимиз ташаббуси билан жорий қилинган фермерлик ҳаракати амалда ўзини тўла оқлагани, деҳқонларимиз нақадар улкан ишларни бажаришга қодир эканлигининг ёрқин намунаси бўлди.

(Давоми 2-бетда).

Аёлларнинг сиёсий

